



UN VISITA IN FLORENTIA



Narrator: *Benvenite a Florentia, le urbe principal in le famose region Toscana in le nord-west de Italia. Nos es in le centro de Florentia (in italiano: Firenze) con le famose cathedral. Il es estate, e il es calide.*

IN LE STRATA

Anna: Florentia, Florentia! Finalmente nos es ci. E vide le grande cathedral la! Le colores es magnific.

Paulo: Io ha legite in mi libro de guida que on pote ascender al cuppola. Il ha 463 (quatro centos sexanta-tres) scalones usque le summitate. Vole vos ir la?

Petro: Huh, no, gratias, io ha timor de altitudes, dunque io prefere remaner sur le terra. Ma le cathedral anque es impressionante vidite ci del mercato.

Paulo: Nos pote ambular circum le cathedral pro reguardar lo e prender un photo de nos omnes, ubi le sol non va directamente a in le camera.

Anna: Bon idea. Con omne iste gente, nos certo pote trovar uno qui vole prender le photo pro nos. Nos prende iste via.

Paulo: Io es contente que io memorava mi cappello. Le sol arde hodie, e allora on debe proteger su capite contra le radios.

Anna: Io ha un bottilia de aqua in mi tasca, si un de vos besonia un poco a biber.

Petro: Io anque, proque le temperatura hodie es vermente alte. Vide le thermometer al apotheca: 32 grados in le umbra, huh!

Paulo: Ma isto es lo que on debe expectar in Toscana durante le estate. E, del resto, io prefere que nos ha sol e calor que pluvia e frigido.

Anna: Io anque. Vacantias estive in Italia debe certo esser con multe sol, ma naturalmente non con tante calor que on se



senti mal.

Petro: Ora le sol non plus va entrar in le camera. Io va demandar le dama la, si illa pote prender un photo de nos. – Excusa me, seniora?

Un seniora: Si, senior?

Petro: Nos desira haber un photo del cathedral con nos tres. Pote vos prender lo, per favor?

Un seniora: Certo, senior.

Anna: Ecce le camera. Vos simplemente debe reguardar in le parve fenestra e puis premer iste button.

Un seniora: In ordine. Es vos preste? Tres, duo, un ... assi! Per favor, ecce le camera.

Petro: Multe gratias.

Un seniora: De nihil. Vos es touristas?

Anna: Si, nos ha un septimana de vacantias in Toscana. Nos vive un poco extra Florentia e decideva ir hodie al urbe pro vider le cathedral e le mercato. Sape vos, ubi es le mercato?

Un seniora: Illo non es distante de ci. Seque iste grande strata in iste direction, e

torna a sinistre, quando vos vide un grande edificio in un placia.

Paulo: Perfecte, gratias, e a revider.

Narrator: *Illes succede trovar le grande mercato – un edificio plen de parve botecas con comestibles de omne sorta.*

Anna: Oh, mi deo, regarda tote iste gambones. Illos pare deliciosissime!

Petro: Nos non pote mangiar un gambon complete, ma nos pote comprar alcun trenchos pro un bon lunch. E allora nos pote trovar anque un poco de salsicia, panes e un bon caseo sic.

Paulo: Excelente, e io es secur que on pote anque comprar un bottilia de bon vino ci, e allora nos pote trovar un bon



placia con un banco pro lunchar in le sol.

Anna: Si, e simplemente seder pro regardar tote le gente que passa. Non sona isto ben?

Petro e Paulo: Si, que nos va explorar Florentia!

ISTO TU NON SAPEVA SUPER ITALIA

- Roma es situate plus verso nord que Nove York. Nove York es al mesme altitude como Napoli.
 - Le frontiera le plus longe de Italia es verso Suissa.
 - Le thermometro esseva inventate in Italia.
 - Le nomine del tension de electricitate, “volt”, veni de Alessandro Volta, qui inventava le prime batteria in 1779.
 - Anque le barometro, nitroglycerina, le telegrapho sin filo, le machina de scriber e le berillos (ab 1284!) esseva inventate in Italia.
 - “Pinocchio” esseva scribite per Carlo Collodi.
 - In Roma e Napoli il niva solmente brevemente un copula de vices per anno.
 - Cata italiano mangia in media 25 kilos de pasta per anno.
 - Le colores in le bandiera italian representa spero (verde), fide (blanc) e prosperitate (rubie).
 - In le citate Ivrea in nord-west, le dies religiose del quaresima es celebrate per jectar oranges le unes al alteres.
-



UN VISITA IN FLORENTIA

1 Associa cata parola con un expression o un synonymo.

- | | | | | |
|-----|--------------------------|-------------|----|--|
| 1. | <input type="checkbox"/> | cuppola | A. | si multe |
| 2. | <input type="checkbox"/> | gambon | B. | parte de un scala que on usa pro ascender |
| 3. | <input type="checkbox"/> | edificio | C. | un pecia secate per un cultello |
| 4. | <input type="checkbox"/> | estive | D. | mangiar delicate de un porco |
| 5. | <input type="checkbox"/> | tante | E. | le tecto de un ecclesia |
| 6. | <input type="checkbox"/> | Florentia | F. | non proxime |
| 7. | <input type="checkbox"/> | comestibile | G. | un construction in le qual on pote habitar |
| 8. | <input type="checkbox"/> | trencho | H. | del estate |
| 9. | <input type="checkbox"/> | scalon | I. | carne e vegetales |
| 10. | <input type="checkbox"/> | distante | J. | le urbe principal in Toscana |

2 Lege le texto de novo, e responde, si le phrases es ver (V) o false (F).

- | | V | F |
|---|--------------------------|--------------------------|
| 1. Paulo ha un bottilia de aqua in su tasca. | <input type="checkbox"/> | <input type="checkbox"/> |
| 2. Illes vide un thermometro al mercato. | <input type="checkbox"/> | <input type="checkbox"/> |
| 3. Le tres amicos desira lunchar in un placia in Florentia. | <input type="checkbox"/> | <input type="checkbox"/> |
| 4. Illes va comprar un tote gambon. | <input type="checkbox"/> | <input type="checkbox"/> |
| 5. Toscana es in le nord-west de Italia. | <input type="checkbox"/> | <input type="checkbox"/> |

3 Usa le parola correcte ab le cassa in le phrases.

scalones lunchar vacantias multe pluvia temperatura banco estate calor cuppola

- Le _____ es _____ alte.
- Nos prefere sol e _____ ante _____ e frigido.
- On debe ascender 463 _____ pro arrivar al _____.
- Nos sempre prende nostre _____ durante le _____.
- Si nos pote trovar un _____, nos pote seder e _____.